

Nord-Fron kommune



Nord-Fron
kommune

Dato : 17.11.2017
Vår ref. : 17/15866

Saksbeh.
Telefon
E-post

: Geir Johan Groven
: 61216199
: post@nord-fron.kommune.no

Fylkesmannen i Oppland
Postboks 987
2626 LILLEHAMMER

Nedregate 50
2640 Vinstra

T e l e f o n
61 21 61 00

T e l e f a k s
61 21 61 01

E - p o s t
postmottak@
nord-fron.
kommune.no

w w w .
n o r d - f r o n .
k o m m u n e . n o

B a n k g i r o
2095.06.05775

Bankgiro skatt
6345.06.05168

Med helsing

Geir Johan Groven
avdelingsleiar landbrukskontoret

Godkjend og sendt ut utan underskrift iht. interne rutinar.

Vedlegg:

- Søknad
- Avslag på søknad, Miljødirektoratet 29.8.2017
- Avslag på klage, Miljødirektoratet datert 10.10.2017
- Avslag på klage, Klima- og miljødepartementet 9.11.2017



Søknad frå kommunane Sør-Fron, Nord-Fron, Sel og Vågå om skadefelling av jerv i lisensfellingsperioden, organisert som eit prøveprosjekt

Bestanden av jerv har i lengre tid vore høgare enn bestandsmålet for Oppland, noko som medfører store tap av beitedyr i utsette område. Ein har ynglingar av jerv både innafor og utanfor jervsona.

Lisensfelling er hovudstrategien for uttak av jerv, men lisensfellinga er per dags dato ikkje effektiv nok til at ein regulerer bestanden av jerv i tilstrekkeleg grad. I våre område skuldast dette i hovudsak at jerven oppheld seg langt inne i fjellet, og kor det er liten sjanse for jegerane til å organisere/utøve effektiv jakt. Ein har vidare sett at jerven som regel ikkje kjem lenger fram mot dei områda kor ein både har jerbåsar og åtebuer, før etter at lisensfellingsperioden er slutt.

Skadefelling på barmark lukkast sjeldan, og har dei seinare åra ikkje gitt teljande resultat i Oppland. Dette skuldast på same vis som ved lisensfelling at jerven i all hovudsak oppheld seg i område langt inne i fjellet, kor det tek fleire timer å ta seg fram til fots, og slik sett er liten sjanse for jegerane til å organisere/utøve effektiv jakt. Skadefellingsmannskapa har utover dette ingen effektive verkemiddel, jf. til dømes bruk av eigna hund.

Ekstraordinære uttak har og vist seg vanskeleg å få prioritert i tilstrekkeleg grad i våre område. Når det gjeld vest for Lågen har ein hatt dokumentert yngling av jerv i Sikkilsdalsområdet både i 2016 og 2017. Alt beiteareal vest for Lågen ligg i beitepriorert område, langt frå jervsona. SNO gjorde forsøk på hiuttak våren 2017, men dette medførte uttak av valp og ikkje tispe. Området har eit stort tal sau på beite, og det er store tap av beitedyr i beitesesongen 2017.

Når det gjeld aust for Lågen hadde ein dokumentert yngling av jerv i Musvoldalen/Vuludalen våren 2017. På tross av stort skadepotensial i beitesesongen 2017, prioriterte ikkje Miljødirektoratet hiuttak. Her har ein og den uheldige situasjonen at Kvam østside beitelag har areal både innafor og utanfor jervsona, noko som gjer det endå vanskelegare i forhold til ekstraordinære uttak. Området har eit stort tal sau på beite, og det er store tap av beitedyr i beitesesongen 2017.

Ein viser til vedlagte avslag frå Miljødirektoratet og Klima- og miljødepartementet i forhold til søknad frå Nord-Fron kommune om bruk av laus, på drevet halsande hund

ved skadefelling av jerv. Skadefelling av jerv på barmark er eit ineffektivt og kostnadskrevjande tiltak, og det er ingenting som tilseier at situasjonen endrar seg på kort sikt sidan det ikkje blir gitt løyve til bruk av hund.

Gjeldande rovvilpolitikk har ei todelt målsetting. Det skal sikrast berekraftige rovvilbestandar, og ei fortsatt aktiv og allsidig bruk av utmarksressursane og levande lokalsamfunn. Fylkesmannen har myndighet til å sette i gang skadefelling på jerv i lisensfellingsperioden. Oppland er landets viktigaste beitefylke. I ljos av dette, samt at bestanden av jerv over tid har vore langt over bestandsmålet i Oppland, meiner ein det er gode argument for at Fylkesmannen set i gang skadefelling av jerv i lisensfellingsperioden i særleg utsette beiteområde.

Kommunane meiner det er heilt nødvendig at ein får redusert dei store rovdyrtapa som ein no har raskt, og ein meiner at skadefelling i lisensfellingsperioden på ei avgrensa kvote vil vere det mest effektive tiltaket. **Kommunane Sør-Fron, Nord-Fron, Sel og Vågå søker om to prøveprosjekt.**

Prøveprosjekt 1:

- **Skadefelling i lisensfellingsperioden aust for Lågen, avgrensa til Sør-Fron austside, Nord-Fron austside og Sel austside.**
- Skadefellingsperioden skal vere avgrensa til inntil 3 veker, med gjennomføring i løpet av desember 2017/januar 2018.
- Bruk av to snøscooterar til utkjøring av mannskap og grovlokalisering av spor (inngringing for utsjekk av inn- og utspor). Bruk av to snøscooterar er nødvendig i forhold til sikkerheit (ulykker, fastkjøring mv.).
- Bruk av snøscooter må og gjelde innanfor vernegrensene.

Prøveprosjekt 2:

- **Skadefelling i lisensfellingsperioden vest for Lågen, avgrensa til Sør-Fron vestside, Nord-Fron vestside, Sel vestside og Vågå vestside.**
- Skadefellingsperioden skal vere avgrensa til inntil 3 veker, med gjennomføring i løpet av desember 2017/januar 2018.
- Bruk av to snøscooterar til utkjøring av mannskap og grovlokalisering av spor (inngringing for utsjekk av inn- og utspor). Bruk av to snøscooterarr er nødvendig i forhold til sikkerheit (ulykker, fastkjøring mv.).
- Bruk av snøscooter må og gjelde innanfor vernegrensene.

Det blir søkt om ei samla kvote på inntil 4 dyr for både prosjektområda.

Lisenskvota for jerv i Oppland for 2017/18 er 12 dyr. Det er per dags dato felt 1 jerv. Ein meiner at uttak av ei avgrensa kvote i prosjektområda, i god tid før lisensfellingsperiodens utløp, vil gjere at Fylkesmannen framleis har full kontroll i forhold til restkvote. Ein meiner og at eit slikt prøveprosjekt ikkje vil ha negativ verknad i forhold til dei jegerane som vil drive med lisensjakt, då lisenskvota uansett ikkje blir teke ut gjennom lisensjakt aleine. Eit prøveprosjekt vil heller ikkje skape presedens i nokon grad. Ein meiner dessutan at skadefelling i lisensfellingsperioden er eit tiltak som er svært kostnadseffektivt samanlikna med skadefelling på barmark.

Med helsing

Hilde Hammer /s
Sør-Fron kommune

Geir Johan Groven /s
Nord-Fron kommune

Jan Teigen /s
Sel kommune

Pål Inge Sanden /s
Vågå kommune